



16. januaari 2023

Inatsisartut ingerlatsinermut maleruagassaanni § 37 imm. 1 tunngavigalugu Naalakkersuisunut ukuninga apeqquteqaateqarpunga:

Naalakkersuisunut apeqquteqaatit:

1. Saarullinniarluni aalisarnermi ingerlatsisut pioreersut pisassiissutitigut assinganik imaluunniit annikillimasunik pissarsisut, sooruna Naalakkersuisut ingerlatsisunik nutaanik tunniussaqaassallutik aaliangersimanerminnut suut peqqutigaa?
 - a. Saarullinniarluni aalisarnissamut ingerlatsisunut nutaanut pisassiissutinik tunniussineq Naalakkersuisut namminneq pisassiisarnermut piunasaqaatigisaannut tulluunnersoq Naalakkersuisut qanoq isumaqarfigaat?
2. Nutaanik ingerlatsitsisoqalerneq Naalakkersuisut qanoq paasivaat?
 - a. Saarullinniarluni aalisarnermut ingerlatsissallutik periarfissallit kikkuuppat?
 - b. Uanga paasinnittaasera malillugu ingerlatsisoq nutaaq tassaavoq imarpimmi aalisarluni ingerlatsereersimanngitsoq. Ingerlatsilersut nutaat aalisarnermik allanik ingerlataqareerpat?
3. Saarullittassiissutit pioreersunut ingerlatsilersut nutaat qanoq toqqarneqarsimappat?
 - a. Ingerlatsilersut nutaat toqqarneqarsimasut avataasigut allat pisassiissutinut qinnuteqarsimasinnaagaluarpat?
 - i. Taakku toqqarneqarsimasut avataasigut allat periarfissinneqarsimanngippata sooq taamaattoqarneranik Naalakkersuisut nassuiaanissaminnik piunaffigineqarput.
4. Paasisakka naapertorlugit ingerlatsilersut nutaat taakku suliffeqarfittut aningaasaateqarnerat ima inissisimapput; 40.000kr. aammalu 400.000kr. Naalakkersuisut isumaqarnerlutik imarpimmi aalisarniarluni nutaatut ingerlatsisutut aallarnisarniaraanni aningaasaateqarneq taama annertussusulik naammattoq?
5. Pineqartumut Naalakkersuisut allanik paasissutissiisinaanerlutik?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Saarullittassiissutinik pisassiisoqarneranut atatillugu 7.515 tonsit nutaanut ingerlatsisunut immikkoortitsisoqarsimanagera Naalakkersuisut paasissutissiissutigaa. Ilutigisaanik ingerlatsisut nutaat marluk piginnittuussusermik, umiarsuarnik, aalisarnissamut pilersaarutini, missingersuutini allanillu 31. Marts 2023 nallertinnagu paasissutissanik tunniussinissaannik periarfissinneqarsimasut Naalakkersuisut ilisimatitsissutigaa. Taamaasiortoqareerpat ingerlatsisut nutaat taakku pisassiissutinik tunineqassanersut Naalakkersuisut nalilissallunikkitt.



DEMOKRAATIT
DEMOKRATERNE

Periuserineqartoq eqqumiigaara, pisassiissutigineqartuni takusinnaagakku ingerlatsisut pioreersut saarullinnut pisassiissutaat allanngoratilluunniit annikilleriarsimmata. Tamanna tunngavigalugu saarullinniarluni aalisarnermut ingerlatsisunik nutaanik tunniussinissaq piffissaanngikkallartutut nalilerneqarsinnaanngimmat. Tamatumani naqissuserniarpara pisassiisoqassatillugu piumasaqaatini ingerlatsisunut nutaanut ukioq kaajallallugu piujuartitsinissaq aallaavigalugu aalisarnissamut qulakkeerinnissinnaanngikkaanni tunniussisoqannginnissaanik taamatullu ingerlatsereersut pisassiissutinik annertunerusunik pisariaqartitsisunut siullertut tunniunneqartussaanagerat pisassiinissamut piumasaqaatinut ilaammata.

Naalackersuisut suleriusaat Naalackersuisut imminneq piumasaqaatigisaannut uani pisumut tulluutinnginnera eqqarsaatersuutiginarpoq.

Apeqqutit ullut qulit suliffiusut iluanni akineqareersimanissaat kissaatigaara.